

文獻叢編



文獻叢編



光緒三十三年黃榜之一端

奉天承運

奉

皇帝制曰光緒三十年

五月二十一日殿試

天下貢士譚延闓等

二百七十二名第一甲

賜進士及第第二甲

賜進士出身第三甲

賜同進士出身

詔



縱 6.8 CM

橫 15.63 CM

天 命 丙 寅 年 封 修 延 勅

天承運
皇帝制曰恭惟朕功明之大典

東忠靈職臣所宜然洛爾
伶徒皆為撫順平人大兵
進取撫順因得蘭絡陞為
備禦及得達東爾能勒帝
同事屢有功勞陞為副將
君與敵國通謀定休法處
成造謀化節元爾之元子
子孫孫永丕革職尚其欽
此無庸朕命



天承運
皇帝制曰恭惟朕功明之大典
東忠靈職臣所宜然洛爾
伶徒皆為撫順平人大兵
進取撫順因得蘭絡陞為
備禦及得達東爾能勒帝
同事屢有功勞陞為副將
君與敵國通謀定休法處
成造謀化節元爾之元子
子孫孫永丕革職尚其欽
此無庸朕命

縱 4 7 5 CM. 橫 1 2 1 CM.

文獻叢編第十四輯目錄

光緒十年黃榜照片

天命丙寅年封佟延勅照片

岳鍾琪奏摺

四川提督岳鍾琪謝恩併繳硃批摺

四川提督岳鍾琪請安摺

四川提督岳鍾琪奏報剿過爾根台吉逆番緣由摺

四川提督岳鍾琪請發回奏匣摺

四川提督岳鍾琪奏改派松藩總兵官摺

四川提督岳鍾琪謝恩併繳硃批摺

四川提督岳鍾琪奏報南坪壩叛番剿撫完結摺

四川提督岳鍾琪奏西寧駐劄兵丁應否撤回摺

齊威將軍
甘肅提督岳鍾琪奏報招補過公費名糧數目摺

四川提督岳鍾琪謝恩併繳硃批摺

雍正元年七月初二日

四川提督臣岳鍾琪謹摺奏爲恭謝天恩併繳御批原摺事竊臣先後具摺奏報臣料理兵丁出口及差員招撫的革探聽西海情由又不揣冒昧妄以臣姪侍衛岳含琦留川効力更將遊擊黃起憲張元佐奏請陞調皆蒙我皇上格外俞允已屬殊恩更蒙傳旨川陝督臣年羹堯將臣姪含琦遇有相當員缺卽行補用此恩此德千載難逢且伏讀御批旣曲體臣犬馬圖報之私衷更詳示臣以安邊持重之大體不以臣爲疎遠鄙人竟委以西陲重任勉以廣薦賢才諄切叮嚀推心置腹又賜臣人參一匣鼻烟火鑱等物更賜以內造錠子藥且欽蒙恩諭教臣隨帶在身或擦鼻內以辟山嵐暑氣併可仰體皇仁遍療軍營時症尤蒙垂念正值盛暑之際特諭兵部給差員以驛馬馳歸種種體恤洪慈實同天地父母之罔極臣何修何能得仰邀眷注至深至渥如此其有加無已也臣於差員齎捧到營之日率領大小將弁跪迎至營恭設香案望闕叩頭將御批奏摺逐一敬謹開讀鏤骨銘心永矢寤寐更將御賜人參等物一一祇領錠

子卽時佩帶分給將弁併傳諭闔營兵丁有染時症者卽行磨服俾同戴我皇上浩蕩深仁至于外省將備臣未與共事不能實知其人故不敢妄有所舉

硃批

另日若有所聞
所知不妨補奏

本應一一具疏題謝第恐煩瀆聖聰謹具摺恭陳下悃叩謝天

恩併繳御硃原摺五扣伏乞睿鑒施行爲此具摺交臣標外委千總王勳臣家人王璋齎捧奏聞雍正元年七月初二日四川提督臣岳鍾琪
硃批知道了

四川提督臣岳鍾琪請安摺 附前摺

四川提督臣岳鍾琪謹摺奏皇上御前恭請聖安

墨批朕安不必爲朕過慮

四川提督臣岳鍾琪奏報剿過爾根台吉逆番緣由摺

清雍正元年十一月十八日

四川提督臣岳鍾琪謹摺爲奏明事竊臣奉命出征於本月初三日領兵出口隨差漳臘營把總湯義美前往爾根台吉所屬部落探聽聲息及臣行至班右地方據湯義美回報有爾根台吉差宰生勒墨庫帶領蒙古百餘人統率熱當

等十二部落番衆將沿途草場放火焚燒整頓器械兵馬意在迎敵我師攔截糧運等情臣思兵機貴於神速因出其不意隨將輜重派後各令官兵輕騎星夜前進果見遍野灰燼於十五日夜抵哩嘛隆地方查得逆番十二部落共計一百一十餘寨其中人最强悍素行不法者尤以熱當播下物藏下作革四部落爲巨惡前此擄掠竹浪人口併搶馬匹解送西海今復陰謀顯露逆我王師若不掃除黨羽勢必餉道中斷適逢是夜雪月交輝臣隨令副將張玉遊擊岳含奇領官兵一千攻打熱當參將張元佐領官兵一千攻打下作革副將紀成斌領官兵一千攻打物藏遊擊周開捷領官兵一千攻打播下臣仍親領漢土官兵四路接應復行傳令凡遇老幼婦孺子不許殺戮師衆用命晝夜攻克於十六日據副將張玉等報稱計殺逆番首級一千八十二個生擒二百七十二人餘皆逃竄共獲牛羊五千餘隻大小馬五百餘匹至於現存老幼婦孺子臣仰體皇仁按寨安插又查生擒之人內有番目阿朗等九名隨差威茂營參將張元佐帶領招集逃竄番衆許其投誠約撫番民五千餘人悉令各安住牧臣仍分

撥漢土兵丁五百名駐防播下地方暫資彈壓又查出竹浪被擄部民成不等男婦一百四十一名口隨給口糧牛馬差送親王插漢丹進收管所有陣亡受傷兵丁姓名及招撫各寨戶口俟臣回師之日造冊送部所獲牛羊馬匹弓箭器械盡數賞給兵丁以示鼓勵臣隨於十九日統兵前行沿途機宜容臣另摺報聞除將剿過逆黨緣由申報撫遠大將軍臣年羹堯外理合奏明臣謹具摺恭奏伏乞睿鑒施行爲此具摺由驛遞齎送兵部進呈奏聞雍正元年十一月十八日四川提督臣岳鍾琪

四川提督岳鍾琪請發回奏匣摺清雍正三年二月十一日

奮威將軍世襲三等公拜他喇布勒哈番提督四川總兵官臣岳鍾琪謹奏爲奏明事臣前于雍正二年十一月十三十七兩日曾經進奏摺匣二個已蒙頒發一個尙有摺匣一個未蒙發給理合奏明伏乞皇上睿鑒雍正三年二月十一日具

硃批摺匣原隨便應發回者發回知道了

四川提督岳鍾琪奏改派松潘總兵官摺 清雍正三年二月二十二日

奮威將軍世襲三等公提督四川總兵官拜他喇布勒哈番臣岳鍾琪謹奏爲
請旨事竊照松潘四面環番如雜谷金川及新撫毛革等一十七處部落皆其
所屬總兵一官甚爲親要今署松潘總兵官事永寧協副將張瑛因其平日頗
練營伍是以經臣委署今查其行事不諳番情希圖有事爲榮查洮岷營副將
張元佐生長邊方明于治番伏乞聖主降旨將松潘鎮總兵官事改令陝西洮
岷營副將張元佐署理張瑛令歸本任則人地相宜臣亦得有商酌調馭料理
之助矣因洮岷隸在陝西松潘隸在四川臣不便越省改移故敢請旨遵行伏
乞睿鑒謹奏雍正三年二月二十二日具

硃批已有旨了

四川提督岳鍾琪謝恩併繳硃批摺 清雍正三年三月十四日

奮威將軍世襲三等公提督四川總兵官拜他喇布勒哈番臣岳鍾琪謹奏爲
恭謝天恩事雍正三年三月初八日准兵部咨遞送到奏匣一個奉命恩賜臣

法製諸色菓品一匣嬾餅一匣臣跪迎入署九叩謝恩啟匣伏讀諭旨以臣尙有微餘之疾復墮天心諄諄垂訓臣敢不夙夜永懷自求強健以副聖慈再有臣與副都統臣達鼐西寧鎮臣黃喜林寧夏鎮臣王嵩副將臣姚文玉聯名請安摺上奉硃批聖旨朕躬甚安爾等好麼臣卽傳集諸臣跪聽天問俱各九叩謝恩畢臣將恩賜菓品排列各種與諸臣共沾聖澤香沁齒牙甘沃肺腑恩榮光耀臣實荷戴難勝敢再恭摺奏謝更有駐劄西大通都統宗室臣楚仲拜上奏摺一封咨臣附進臣謹將硃批奏摺四扣一併進繳伏乞睿鑒謹奏雍正三年三月十四日具

硃批覽卿等奏謝知道了楚宗奏匣交與他

四川提督岳鍾琪奏報南坪壩叛番剿撫完結摺

清雍正三年三月十九日

奮威將軍世襲三等公提督四川總兵官拜他喇布勒哈番臣岳鍾琪謹奏爲奏報南坪壩剿撫完結事案據雍正二年十二月十七等日據四川駐防南坪壩守備孟繼先報稱南坪番子結聚反叛臣卽檄令署松潘鎮副將張瑛調領

兵馬前往查詢造反情由勒獻兇首倘敢抗拒不服卽行進剿又檄洮岷副將張元佐調領兵馬先赴文縣界番地方防範去後于雍正三年正月十四等日據副將張瑛報稱職于十二月二十八日前抵南坪地方遇逆番屯聚二千餘衆堵截要路燒燬偏橋不受撫馭相持抗敵職分遣官兵從中田山後路扒過雪山頂由羊腰扁進發自丑至巳賊番見我兵從山頂壓下難施礮石不能抵敵驚惶逃散生擒首惡占架等三名斬獲兇首個個自盧借首級二顆斬殺逆番七十二名其餘各寨番子俱各自行燒寨奔竄深山潛匿道路得通職隨與洮岷副將張元佐會兵一處等情又于三月十七日據副將張元佐報稱依奉本將軍差千總冒重光齎發令諭隨遣發弁員帶領兵丁分路四出宣揚天威國法勒獻元兇許寬脅從去後當據各番將兇首怕納等七名擒拏獻出供稱悉係南坪番目怕納等傳說前頭的官好後頭孟老爺來了作踐我們苦累我們地方作不得了又有作轎的老爺來又要買糧又要十冬臘月砍木頭又叫修城豬雞都吃完了庄家種不成不如反了好我們衆人一時不合聽了他我

們其實並不曾殺人殺死塘兵百姓搶擄盔甲器械的俱係雙務他帶領斜坡固水等寨的人去殺的職隨問雙務他現今藏匿何處據供他們現今在隆亢索泥壩地方職等隨將投誠各番各按舊寨安插外當卽遣發遊擊徐芳丘名揚等帶領官兵前往隆亢索泥壩地方招撫詎兇首雙務他等自知罪大惡極占踞山險抗不受撫結衆放鎗帶傷兵丁一名楊土司土兵十三名我兵奮怒進攻斬殺逆番二百九級及兇首雙務他首級一顆搜獲原被搶劫漢兵衣甲炮位帳房旗幟塘馬塘騾俱發小河營把總趙良才收存職等又復宣布皇仁招撫潛藏自二月二十日起至三月初十日止各處潛匿番子陸續自出投首悔罪歸誠俱稱永遠向化不敢再有犯法職等已經分按舊寨安插俱各叩首啣恩地方悉已平靜所有已獲首惡怕納占架等十一名合行僉差起解聽候審究正法再查守備孟繼先原報陣亡兵丁三名又殺死南坪壩一路坐塘兵丁二十七名又據文縣知縣王國柱查明被番殺死在南坪貿易民人一百五十七名俱經各家屬認領另冊申報所有職等統領兵馬聽候飭示以便撤回

等情據此該臣看得南坪壩地方番子向化復叛雖由管理築成文武官弁奉行不善苦累激成然不赴上司控告輒敢結聚造反殺傷官兵三十名殺死貿易文縣百姓一百五十七名搶劫盜甲帳房鑼鍋馬匹民人貨物沿途燒燬塘房其罪惡彰著法所難追今據署松潘鎮事永寧協副將張瑛陝西洮岷營副將張元佐領兵剿撫詎首惡占架雙務他所管各寨因殺死兵民甚多自知罪重占踞山險抗不受撫拒敵官兵該副將等督兵進攻前後殺死逆番二百八十餘人其逃匿深山及脅從番人俱已悔罪投誠盡皆受撫仰體皇仁已經各按舊寨分戶安插可以水保寧謐惟是南坪壩地方經此一翻尙有潛藏未出零星番子亦未可定所以仍令洮岷副將張元佐領兵一千駐劄彈壓清楚未了俟各番心胆寧定再行撤回其餘川陝漢土官兵俱已檄令撤回訖所有解到首惡叛番怕納等十一名相應轉解總督臣年羹堯在會參案內候旨質訊所有南坪壩剿撫叛番平定撤兵完結緣由除報大將軍臣年羹堯外理合恭摺奏聞至臣原檄署松潘鎮副將張瑛調領鎮屬官兵一千土兵一千前往撫

馭征剿因兩省路遠該副將于聞報之日先已行調漢土兵丁四千名統領前往雖于奉檄後陸續撤回已支口糧仰懇聖恩俯准報銷其坐塘被殺與陣亡帶傷兵丁數目造冊送部外伏乞睿鑒施行因奏匣拜進無餘謹用夾板封進合併聲明謹奏雍正三年三月十九日具

四川提督岳鍾琪奏西寧駐劄兵丁應否撤回摺

清雍正三年三月十九日

奮威將軍世襲三等公提督四川總兵官拜他喇布勒哈番臣岳鍾琪謹奏爲請旨事竊臣奉命駐劄西寧彈壓于雍正二年五月內奉大將軍臣年羹堯令諭派留川陝督標兵一千二百名四川兵一千二百名陝西固原提標兵八百名寧夏鎮兵八百名共馬步兵四千名聽候調遣今仰仗聖主睿謨神武業已八表同風內外寧一臣駐劄西寧見署甘肅提督事務卽有用兵之處而西寧鎮標兵馬就近可以調用所有派留兵丁四千名應行撤回各歸原管營伍休養操防于內止留四川提標兵三百名衛護將軍勅印洵屬妥便曾于本年正月十七日呈商大將軍臣年羹堯後因南坪壩之事尙未清楚故爾遲緩今南

坪壩逆番業已剿撫寧帖而西寧米糧百貨俱藉外運兵多屯集物價高昂似乎無裨相應仰請聖裁是否應行撤回准降明旨以便遵行爲此具摺伏乞睿鑒謹奏雍正三年三月十九日具

奮威將軍兼
甘肅提督

岳鍾琪奏報招補過公費名糧數目摺

附於雍正三年三月十九日摺內

奮威將軍世襲三等公兼甘肅提督印務拜他喇布勒哈番臣岳鍾琪謹將甘肅提標及涼州寧夏西寧肅州四鎮標協營路招補過公費名糧數目開呈御覽甘肅提標五營共設公費馬糧二百名今存留步戰糧一百五十名拔補馬兵一百五十名招補馬兵五十名涼州鎮標并協路各營共設公費馬步戰守糧五百二十六名今存留步戰守糧三百一十五名招補馬步戰守兵二百一十一名寧夏鎮標并協路各營共設公費馬步戰守糧四百二十二名今存留步戰守糧二百八十名招補馬兵守兵一百四十二名西寧鎮標并協路各營共設公費馬步戰守糧五百九十一名今存留步戰守糧三百五十一名招補馬兵守兵二百四十名肅州鎮標并協路各營共設公費馬步戰守糧四百八

十二名今存留步戰守糧三百三十四名招補馬步戰守兵一百四十八名以上一提四鎮及協路各營舊設公費二千二百二十一名今存留步戰守公費糧一千四百三十名招補馬步戰守兵七百九十一名
硃批甚當只要嚴飭屬員實力奉行也

奮威將軍四川提督岳鍾琪奏揀留兵丁駐劄西寧摺

清雍正三年四月十七日

奮威將軍世襲三等公提督四川總兵官拜他喇布勒哈番臣岳鍾琪謹奏爲請旨事雍正三年四月十一日准兵部清字咨內開議政王大臣等議奏奮威將軍岳鍾琪奏摺奏請應否撤兵之處議得駐劄西寧兵四千名現今需用糧草俱係各處運送駐兵甚多以致諸物騰貴將前留兵丁撤回本汛所奏甚是但口外蒙古新定而內裏番民初安應行文該將軍岳鍾琪將現在兵丁四千名內揀選一千名留駐彈壓振揚威武于是有益至應留何處兵丁及其餘兵丁發回之處一面料理奏聞可也爲此謹題請旨於雍正三年四月初二日交奏事員外郎張文彬等轉奏奉旨依議欽此欽遵行咨到臣欽此查原留西寧